

HALQ AYNENNİLERİ

Şimdi anneñ kelecək, aynenni,
Beşigiñe qoyacaq, aynenni.
Yuqla, balaçığım, yuqla, aynenni,
Yum közleriñ, gülçigim, aynenni.

Ay-ya, balam, yuqlasın, aynenni,
Qırmızı güller qoqlasın, aynenni.
Ösip, büyüp yürgen soñ, aynenni,
Er kes oña suqlasın, aynenni.
Menim balam yuqlasın, ay-ya, ay-ya, aynenni.

1935 s. Men-Sareden alınıp yazılğan

Bağçağa qurdım salıncaq, aynenni,
Kelgen, keçken sallaycaq, aynenni.
Ay-ya, ay-ya, ay-ya, ay...
Yuqla, balam, sen.

Eline berdim oyuncaq, aynenni,
Yuqlamaz bu balaçiq, aynenni.
Ay-ya, ay-ya, ay-ya, ay...
Yuqla, balam, sen.

Oğluñ olsa bir bahıttır, aynenni,
Qartayğanda tayaqtır, aynenni.
Ay-ya, ay-ya, ay-ya, ay...
Yuqla, balam, sen.

Qaranlıqta çıraqtır, aynenni,
Pencereñe qapaqtır, aynenni.
Ay-ya, ay-ya, ay-ya, ay...
Yuqla, balam, sen.

1934 s. S. Erecepovadan alınıp yazılğan

Ay-ya desem yaraşır, aynenni,
Gül bağçalar dolaşır, aynenni.
Gül bağçanıñ içinde, aynenni,
Altın beşik yaraşır, aynenni.

Qazan qaynar, qaşiq yoq, aynenni,

Bala ađlar, beşik yoq, aynenni.
Kelgen ketken sallaycaq, aynenni,
Ay-ya desem yaraşır, aynenni.

1938 s. K. Ümerovadan alınıp yazılđan

Ay-ya desem, yaraşır, aynenni,
Gül bađcanı dolaşır, aynenni,
Menim küçük qızıma, aynenni,
Neler aytsam yaraşır, aynenni.

Menim qızım yuqlasın, aynenni,
Qırmızı güller qoqlasın, aynenni.
Ösip, büyüp ketken soñ, aynenni,
Qartanasın yoqlasın, aynenni.

Ay-ya, ay-ya, ay-yası, aynenni,
Ne zaman tiyer faydası, aynenni.
Yaz tiyemese, qış tiyer, aynenni.
Aşiqmasın anası, aynenni.

Ay-ya olsun, ay olsun,
Qoynı tolu nar olsun
Narı tüşip, yar olsun,
Güzellere aşq olsun.

Yaşap, yaman körmesin,
Yurt yaşamay, ölmesin,
Ay-ya, ay-ya, ay-yası,
Qaçan tiyer faydası.

Faydasından vazgeçem,
Tek tiyemesin zararı.
Attım, urdım, taş ile,
Töktim közüm yaşıyla.

Edi qayda barayım,
Bu terisiz baş ile.
Ay-ya, ay-ya, ay-yası,
Qaçan tiyer faydası.

O yaş endi bahtlı oldı,

Yuqla, ođlum, yuqla.
İřançlardan canım toldı,
Yuqla, ođlum, yuqla.

İnan, ođlum, kelir vaqıt,
Yuqla, ođlum, yuqla.
Saña yahşı masal attım,
Yuqla, ođlum, yuqla.

Ay-ya olsun, ay olsun,
Qoynı tolu nar olsun
Narı tüşip yarılısın,
Yer turgance yaşasın.

Gür-gür eter gögercin,
Yüksek uçar ne için?
At başını terletip,
Yigit keter qız için.

Ay-ya, ay-ya, ay balam,
Ösip büyüp, sen balam.
Menim qızım ösecek
Gül bağçada kezecek.

Ay-ya, ay-ya, ay olsun,
Aylanğısız bay olsun.
Ösip, büyüp ol mırza,
Yat da yuqla sen Rıza.

Menim ođlum batır,
Çavup keleyatır,
Altı qoyan, beş tavke
Alıp keleyatır.

Menim balam özekten,
Quvanam da yürekten.
Yuqla, balam, yuqla,
Tatlı tüşnen yuqla.

1927 s. B. Arifovadan alınıp yazılğan

Menim balam yuqlaycaq.
Közçiklerni yumacaq.
Yuqlap-yuqlap qalacaq.
Tezden balaban olacaq.

Ayya-ayya-aynenni,
Yuqlasın da bu bebiy.

Etraftaki quşçıqlar
Tereklerge qondılar.
Yuvaçıqlar içinde
Yuqlap-yuqlap qaldılar.

Ayya-ayya-aynenni,
Yuqlasın da bu bebiy.

Deñizde balıçıqlar
Büllür suvda tındılar.
Taşlar, qumlar arasında
Yuqlap-yuqlap qaldılar.

Ayya-ayya-aynenni,
Yuqlasın da bu bebiy.

Köbelekler yaylada
Çiçeklerge qondılar.
Qanatçıqlarını büklep
Yuqlap-yuqlap qaldılar.

Ayya-ayya-aynenni,
Yuqlasın da bu bebiy.

Salqın yelçik üfüre
Balaçıqını yuqlata,
Küneş er keske küle
Batmağa adım ata.

Ayya-ayya-aynenni,
Yuqlasında bu bebiy.

*2008 s. "Köz aydın" merkeziniñ hadimleri tarafından
Mayre Seferovadan (Yalta şeerı) alınıp yazılğan*

Bağçalarda yaptırdım asma salıncaq.
Ötken-keçken sallaycaq.
Eline berdim oyuncaq, aynenni.

Oyna, balam, toyğanca, aynenni.

Oğluñ olsa bir vaqıt, aynenni.
Qartayğanda tayaqtır, aynenni.
Qaranlıqta çıraqtır.
Ayya-ayya-aynenni, yuqlasın da bu bebiy.

*2008 s. "Köz aydın" merkeziniñ hadimleri tarafından
Mayre Seferovadan (Yalta şeeri) alınıp yazılğan*

Ayya-ayya-aynenni
Pek sevem, balam, seni.
Yumulsın seniñ közleriñ,
Er kes aytır : "Aferin".

Bugün sıçançıq çaptı,
Bu balanı uyattı.
Bala soñ çoq ağladı
Anasını çağırdı.

Anası tez-tez keldi
"Ne kerek saña? – dedi –
Söz diñlesen, ösersin,
Yıldızlarğa yetersin!"

Balaban olsa, ösmezmi,
Qalığa da boyu yetmezmi,
Qalığa da boyu yetken soñ,
Babası toyunu etmezmi!

Ayya-ayya-ayyası,
Sensiñ Qırım balası.
Vaqıt pek tez keçecek
Qırım balları ösecek.

*2008 s. Zöre İsmailovadan (Taraq Taş köyü)
alınıp yazılğan*

ÇEŞİT MÜELLİFLERNİŇ AYNENNİLERİ

Şakir Selim

Aynenni

Yuqla-yuqla, qoqlaçığım, aynenni
Yum közüňni topmaçığım, aynenni.
Saba erte turmaq kerek, aynenni,
Soň bağçağa barmaq kerek, aynenni.
Bağçada çoq oyuncaqlar, aynenni,
Sallanmağa salıncaqlar bar, aynenni.
Terbiyeci apteň yırlar aynenni,
Yırlap sabiy göñlüň sıplar, aynenni.
Sız bağçada şeň yaşarsız, aynenni,
Sütlü botqa da aşarsız, aynenni.
Soňa da alışmaq kerek, aynenni
Maňa ise çalışmaq kerek, aynenni.
Yum közüňni, topmaçığım, aynenni,
Yuqla endi, köklaçığım, aynenni.

Şükri Appazov

Aynenni

Yuqla, qızım, yıldızım,
Bulutsız köküm,
Dünyada eň pak arzum,
Eň aziz yüküm.

Artıq endi yavaştan
Odağa endi
Tecribeli tılsımcı
Yuqu efendi.

Yuqusıray qoqlaçıq.
Tezden olıp quş
Yastığıña qonacaq
Melâike – tüş.

Amdi Alim Ğaniyev

Beşik yırı

Qoqlarınıñ yuqladı,
Ayuvçığıñ yuqladı,
Yuqla, qızım, özüñ de,
Aylanayım közüñden.

Yuqlap qalçı tanğace
İkmet bardır babañnıñ
Bu aynenni sözünde,
Sen yuqlasañ, qızçığım.

Menim baht yıldızçığım
Er sesiñe ses berip.
Telâşlanğan anañnıñ
Asret qalmaz közünde

Yuqla, qızım, yuqlasañ
Tez ösersiñ bu yurttı
Ösip yeter, keçersiñ
Buzlu derya qutuptan.

Yuqla, qızım, yuqlasañ
Balaban qız olursıñ,
Bağçalarda dolanıñ,
Serbest nefes alırsıñ.

Baq töpeñde, qızçığım,
Yıldızçıqlar yuvurşa
Saba saar tañında
Samolötlar uçuşa.

Qızım, olar qorçalay
Seniñ aziz yurtuñnı.
Qızım, olar qorçalay
Aziz Qırım Vatannı

Qızım, olar qorçalay
Ülkemizniñ temelin,
Qızım, olar qorçalay
Serbestleşken emelin

Yuqla, qızım, aynenni...

Sabriye İbadlayeva

Men aynenni yazayım
Yırlasın yaş analar.
Bayu-bayu-bayuşkini
Eşitmesin balalar.

Ayya-ayya-ayyası,
Qaçan tiyer faydası
Büyüse qave keterir,
Ümüt ete bitası.

Ayya-ayya-ayyası,
Yuqlasın qırım balası.
Sen vatanda sağlam ol,
Alimeday cesür ol.

Ayya-ayya-ayyası,
Yuqlasañ tez ösersin.
Öz tilide laf etseñ,
İstanbulğa ketersin.

Ayya-ayya-ayyası,
Keldi qızınñ babası.
Qızım büyük olacaq
Yaltalada oquycaq.

Ayya-ayya-ayyası,
Aynenniler yırlasın.
“Qırım” gazetı oqulsın,
O yerde taptalmasın.

*“Qırım” gazetası 97-98 sanında
(2008 s. dekabr 20 küni) derc olunğan*